

P. 39, L. -6【具二中】善月《法華經文句格言》卷 1〈文句第一〉：「即空即中具二中者。即前有體、無體之二中也。」(X29, p. 581a8-9)有嚴《法華經文句記箋難》卷 1〈序品第一〉：「今謂二中者。只是空中與中中耳。今此記。又是釋中央之義。附事為觀故說二中。其旨如何？以前約教。有有體、無體之中。本迹有理本、斷常之中。若今開顯。有體與無體。本同理本。與斷常無異。若空即中者。乃是無體與斷常中也。若中中者。乃是有體與理本中也。以由空中是理。消中義便不語假耳。」(X29, p. 493a23-b4)

P. 40, L. 1【居中求宗】如前後文云：菩薩不欣涅槃、不著生死，自行能詣實理，兼能利他，自覺覺他，上求下化，合於大乘中道宗旨，故云「居中求宗」。

P. 40, L. 3【疎者破惡】《法華經文句記箋難》卷 1〈序品第一〉：「有云破三塗惡。有云護法破毀法之惡。今謂人天各有所住境界。若或未知。輒於形服而起輕慢。今既列在同聞眾中。破未知者輕慢之惡。」(X29, p. 493b5-7)

P. 40, L. 3【有義中約三諦以對教】聲聞欣涅槃→偏空真諦。天人著生死→偏有俗諦。菩薩不欣不著，居中→中諦。「以諦對教」：智顗《維摩經玄疏》卷 3：一、三藏教但詮二諦理。二、通教亦但詮二諦理。三、別教別詮三諦理。四、圓教圓詮三諦。(T38, p. 534, c27-p. 535, a5)「於藏等四，辨漸等四」：《釋門正統》卷 3：頓教：初心竝聞三法，修三觀、破三惑、顯三諦等。漸教：於一切三法中，但說少分而已。謂修空觀破通惑、顯真諦等(藏教)。後方轉入衍門(通教)，或接歸別、圓及開顯即圓，故名漸教。祕密教：如來三輪不思議故，或為此人說頓，或為彼人說漸，彼此互不相知，故言祕密教。不定教：亦由佛以一音演說法，眾生隨類各得解；此則如來不思議力，能令眾生於漸說中得頓益，於頓說中得漸益，如是得益不同，故言不定教。(X75, p. 287, a19-24)

P. 40, L. 4【兩二乘、四菩薩】藏、通二教，並有聲聞、緣覺二乘，亦有菩薩乘。別、圓二教，皆是菩薩乘。

P. 40, L. 5【入中為菩薩】藏、通二教菩薩，不知「離二邊又即二邊」之中道，只知離斷常之中道，故云「居中」，以有中可得故。若別、圓二教菩薩，則知雙遮雙照之中道。別教菩薩須至初地，破無明、證中諦，故稱「地上入中」；圓教菩薩，從「名字即」起已知，至「究竟即」徹證此中道，故云「始終」。

P. 40, L. 5【保證涅槃】保者，安定也。《法華經演義》卷4〈五百弟子受記品第八〉：「如來最初教我等修於戒定慧。能破煩惱生死而證涅槃。我等聞佛所說。依之修習。果能破於煩惱。出於生死。證於涅槃。知佛所說不謬。故自謂已得究竟滅度而保證之。不唯一念如此。乃常作是念。從保證之後。雖經方等彈訶、般若淘汰。我等只是猶居本位。無心希取。常作是念。已得滅度。所作已辦。不復更有所作也。」(X33, p. 178, b9-15)「向修種種邪因。一無所得。今修於正因。便得證入涅槃。則自謂於佛法中。勤精進故。所得弘多。乃生安隱已度之想。保證涅槃。不復前進。故言便以為足也。」(X33, p. 179a19-22)

P. 40, L. -5【氣類】1. 意氣相投者。語本《易·乾(九五)》：同聲相應，同氣相求……則各從其類也。2. 氣質同類者。~《漢語大詞典》

P. 40, L. -5【釋論七一】《大智度論》卷3〈序品1〉：「【經】共摩訶比丘僧。【論】「共」名一處、一時、一心、一戒、一見、一道、一解脫，是名為「共」。」(T25, p. 79, b24-25)湛然《維摩經略疏》卷1〈1佛國品(一-二)〉：「一處者，同在菴園(毘耶離，菴羅樹園)。一時者，一會之時。一戒者，同得無作。一心者，俱得九定。一見者，俱見四諦。一道者，悉得無學。一解脫者，俱證有餘。」(T38, p. 572b2-5)

P. 40, L. -4【一處世界】《法華文句記》卷1〈釋序品〉：「若於此七為四悉者，時、處世界，戒是為人，心、見對治，道、脫第一義。若準前三，在昔教者，則七義唯三，道、脫等，俱屬對治意也。圓教七一俱屬圓四，約教雖別，究竟唯圓；雖七而同，故七名一，一即共也。四教不同，通在五味，具如諸經，不可遍述。且準歎德，在三藏教者，同感佛時、同鹿苑處、同別脫戒、同一切智心、同無漏正見、同三十七道、同有餘脫，為同聞人。入通序時已得記者，全成圓人七一故也。」(T34, pp. 165c23-166a3)

P. 40, L. -3【別脫戒】=別解脫戒：別解脫律儀，梵語音譯「波羅提木叉」。佛教七眾弟子，由出離心為發起，經過一定的儀式，誓願受持佛所制七眾戒的某一種，在記憶裡留下深刻的印象，以後遇緣對境，便有防止惡行的作用，名為別解脫戒。有比丘戒、比丘尼戒、正學戒、沙彌戒、沙彌尼戒、優婆塞戒、優婆夷戒與近住戒等八種。~《中華佛教百科全書》法藏《梵網經菩薩戒本疏》卷1：「謂持此戒行。於諸犯境皆別別解脫故名也。又可當於生死而得解脫故也。」(T40, p. 607, a3-5)

P. 40, L. -3【一切智心】了知內外一切法相之智。音譯為薩婆若，係三智之一。瑜伽師地論卷三十八：「於一切界、一切事、一切品、一切時，智無礙轉，名一切智。」即如實了知一切世界、眾生界、有為、無為事、因果界趣之差別，及過去、現在、未來三世者，稱為一切智。又一切智對於一切種智有總、別二相之義。若依總義，則總稱佛智，義同一切種智，如華嚴經大疏卷十六所載，如來以無盡之智，知無盡法，故稱一切智。若依別義，則一切智為視平等界、空性之智，此即聲聞、緣覺所得之智；一切種智為視差別界、事相之智，乃了知「平等相即差別相」之佛智，如大智度論卷二十七：「總相是一切智，別相是一切種智；因是一切智，果是一切種智；略說一切智，廣說一切種智。一切智者，總破一切法中無明闇；一切種智者，觀種種法門，破諸無明。（中略）佛自說一切智是聲聞、辟支佛事，道智是諸菩薩事，一切種智是佛事；聲聞、辟支佛但有總一切智，無有一切種智。」～《佛光大辭典》

P. 40, L. -3【無漏正見】「正見」：如實了知世間與出世間之因果，審慮諸法性相等之有漏、無漏慧，稱為正見。係八正道之一，十善之一。為「邪見」之對稱。即遠離或有或無之邪見，而採取持平正中之見解，如遠離身見、邊見、邪見、見取見、戒禁取見等「五不正見」之見解皆屬正見。故廣泛言之，凡為佛教所認可之道理，皆屬正見。據大毘婆沙論卷九十七載，正見可分為二類，即：（一）有漏正見，又作世俗正見。即與意識相應之有漏善慧，係有漏有取者，故轉向善趣，招未來可喜所欲之果。（二）無漏正見，又作出世間正見。即盡智、無生智所不攝之意識相應善慧，如有學八智、無學正見等。【八不正見】八種違悖正理之見解。即：我見、眾生見、壽命見、士夫見、常見、斷見、有見與無見。依《大明三藏法數》卷三十三之釋：（一）我見，即眾生妄計五陰法中有我與我所。（二）眾生見，即妄計五陰和合能生定實之眾生。（三）壽命見，即妄計五陰法中有一期之果報或長短壽命。（四）士夫見，即妄計我有士夫之用，能行商工農等事。（五）常見，即妄計五陰之身今世後世能相續不斷。（六）斷見，即妄計五陰之身今世滅後更不再生。（七）有見，即妄計諸法因緣所生者為定有。（八）無見，即妄計諸法自性定無。～《佛光大辭典》《成實論》卷 16〈道諦聚·智論·193 見智品〉：「正見二種，世間、出世間。世間者，謂有罪福等。出世間者，謂能通達苦等諸諦。正智亦爾。」(T32, p. 366a1-3)

P. 40, L. -2【通教二七一】《法華文句記》卷 1〈釋序品〉：「初約三藏，一

七一者，生滅同故。通教二者，分利鈍故，利兼圓別，應云三七，且通總說，同為一例。別云為無量者，自行化他，橫豎皆四門，門門四悉，入者不同。圓教一者，發心畢竟二不別故。」(T34, p. 166a12-16)「分利鈍」：鈍者通前藏教，利者通後別、圓。前後不同者，七中，若以「見」分別則大概能知，前為「四諦無漏正見」，後為「中道第一義諦」之無上正見。

P. 41, L. 4+5【性念處、共念處、緣念處】三種四念處。(一)性念處：緣無生之空理而斷煩惱者，如慧解脫羅漢，破一切智外道。(二)共念處：由性念處而具得三明六通者，即俱解脫羅漢，破神通外道。(三)緣念處：由三藏十二部經而悟達者，即無疑解脫羅漢，破韋陀外道，是通於一切外道而無所疑，故曰無疑，羅漢中之最勝也。出《四教儀》、《四教義》、《四念處》。~《佛學大辭典》《四教儀註彙補輔宏記》卷6：「因中修性念處。唯觀空理。果上只證偏真。名慧脫。因中修共念。兼觀於事。果具三明八解。名俱脫。」(X57, p. 835, b17-19)「緣念處者。緣佛三藏十二部文言及一切世間名字。所緣處廣。了達根性。善知四辯。堪集法藏。成無疑大羅漢。」(X57, p. 837, c19-21)

【外道】指佛教以外之一切宗教，與儒家所謂「異端」一語相當。梵語之原義係指神聖而應受尊敬之隱遁者，初為佛教稱其他教派之語，意為正說者、苦行者；對此而自稱內道，稱佛教經典為內典，稱佛教以外之經典為外典。至後世，漸附加「異見」、「邪說」之義，外道遂成為輕侮、排斥之貶稱，意為真理以外之邪法者。摩訶止觀卷十上：「各於所計生一種見，解心明利，將此見智通一切法，故名一切智外道。」~《佛光大辭典》《維摩經文疏》卷13〈弟子品第三〉：「若於四句中，各有所習之法，其能精思徹入者，即發邪一切智，見心分明，各於其所入門，偏見計實，辯舌無盡，難不可屈，言論無方，即是一切智外道。雖有此智，若未得神通，則無神力，水、火、山、壁，觸處有礙；若修禪定得四禪定空，因發五神通，即能變化無礙，停河在耳，變釋為羊，手握三光，口含四海，如此之力，與聖不殊，是為神通外道。雖復智慧、神變如此，既是偏邪證法，不能自然通達四韋陀論，是則星文、地理、醫方、呪術，觸事不知，世人問難，事多屈滯，此則有慧無聞也。若能讀四韋陀者，於其道中，最為上首，一切世間無不師之，十六大國敬之如佛也。」(X18, pp. 560c19-561a6)